



URED ZA ODNOS S JAVNOŠĆU

Glavna komanda Snaga Europske unije
Baza Butmir
71000 Sarajevo
Bosna i Hercegovina
<http://www.euforbih.org/>
Tel: 00387 (0)33 49 5147

Saopćenje za javnost

Baza Butmir, 15. maj 2014. g.

Vojnici EUFOR-a koncentriraju svoje resurse i u pripravnosti su da pruže podršku vlastima BiH

Jutros je EUFOR od Ministarstva sigurnosti BiH primio zvaničnu molbu za pružanje pomoći u poplavljenim područjima. EUFOR pomno prati situaciju vezanu za poplave od trenutka primanja prve informacije i molbe za pružanje podrške lokalnim vlastima.

U Glavnoj komandi EUFOR-a odmah je uspostavljen krizni tim za pružanje pomoći u okviru raspoloživih sredstava i mogućnosti. Oko 130 vojnika sa vozilima su u pripravnosti u bazi Butmir. Svi helikopteri EUFOR-a su spremni za djelovanje čim vremenski uslovi budu povoljni, s obzirom na to da trenutni uslovi ne dozvoljavaju sigurne helikopterske operacije iz Sarajeva. Obavljen je jedan izviđački let helikopterom, ali se helikopter morao vratiti u bazu zbog nepovoljnih uslova.

Kamioni EUFOR-a prevezli su iz područja Konjica do kasarne u Rajlovcu čamce rafting klubova koji će pružiti pomoć pri evakuaciji ljudstva.

Dobivene su još dvije molbe za pomoć helikoptera u području Šekovića i Maglaja. Ta operacija je još na čekanju. Zračne operacije bi još uvijek bilo teško izvoditi, ali čim se uslovi poprave, EUFOR će angažirati svoje zračne kapacitete.

Civilne vlasti i dalje predvode ove aktivnosti, a EUFOR je spreman pružiti podršku kada dobije zahtjev od Ministarstva sigurnosti BiH. EUFOR će pomoći BiH koliko god bude mogao kada se bude tražila konkretna pomoć.

Kada se dobiju nove informacije, izdaće se novo saopćenje za javnost.

KRAJ

Glasnogovornik:

kap. Nicolai Tschol
00387 (0)33 495 147
00387 (0)61491 366
euforpio@eufor.eu.int